



## **ANUNCIO**

### **CONSULTA PÚBLICA PREVIA Á ELABORACIÓN DA ORDENANZA REGULADORA DA CESIÓN DE USO DE INSTALACIÓNS DE CARÁCTER CULTURAL NO CENTRO CULTURAL MUNICIPAL E NO CENTRO CÍVICO DO CONCELLO DO PORRIÑO**

Co obxecto de mellorar a participación da cidadanía no procedemento de elaboración de normas e, segundo o previsto no artigo 133 da Lei 39/2015, do 1 de outubro sobre o procedemento administrativo común das administracións públicas, con carácter previo á elaboración dun proxecto ou anteprojecto de lei ou de regulamento (ordenanzas/regulamentos municipais), substanciarase unha consulta pública a través do portal web da administración competente na que se solicitará a opinión das persoas e das organizacións máis representativas potencialmente afectadas pola futura norma sobre os problemas que se pretenden solucionar coa iniciativa, a necesidade e oportunidade da súa aprobación, os obxectivos da norma e as posibles solucións alternativas reguladoras e non reguladoras.

Este anuncio de consulta previa está referido á elaboración dunha ordenanza reguladora da cesión do uso dos espazos públicos, salas, locais, auditorios do Centro Cultural Municipal e do Centro Cívico do Concello do Porriño.

#### **Forma e prazo de presentación de opinións e suxestións**

En función do exposto, realízase a presente consulta pública para que, no prazo de QUINCE DÍAS HÁBILES dende a publicación deste anuncio no taboleiro de edictos e no portal de transparencia do Concello do Porriño, as persoas e organizacións máis representativas potencialmente afectadas por esta ordenanza poidan presentar opinións e suxestións, a través do rexistro desta entidade ou nos restantes puntos establecidos no artigo 16.4 da Lei 39/2015 de 1 de outubro, de procedemento administrativo común.



### **A. Problemas que se pretenden solucionar coa ordenanza**

Que a prestación do servizo público da cesión de uso dos auditorios, exterior e interior do Centro Cultural Municipal e das salas/locais do Centro Cívico ás persoas, asociacións e colectividade sen ánimo de lucro, teña un réxime regulado de uso e de normas de convivencia dos espazos públicos indicados.

### **B. Necesidade e oportunidade da súa aprobación**

A necesidade e oportunidade da aprobación da norma é a demanda da cesión de uso de dependencias municipais por persoas, colectivos e asociacións do concello para a realización de seus fins, culturais, sociais divulgativos, etc., de forma continuada ou ocasional.

### **C. Obxectivos da norma**

O obxectivo desta ordenanza é darlles un marco normativo ás asociacións, colectivos e persoas a título individual e sen ánimo de lucro, para regular as condicións de uso das cesións dos espazos públicos, establecer o órgano municipal competente e responsable de autorizar ditas cesións. Amais de regularizar as cesións de uso existentes na actualidade.

### **D. Posibles solucións alternativas reguladoras e non reguladoras**

Non se contempla a alternativa de non acometer ningún desenvolvemento regulamentario municipal, porque o establecemento dunha ordenanza que concrete e desenvolva unha normativa reguladora é necesaria, amais de conveniente, para a aplicación práctica de determinados aspectos, como o dunha maior seguridade xurídica, sen prexuízo de que esta norma que se propón poida, no seu caso, complementarse con outras solucións reguladas.

## **Documento asinado dixitalmente na marxe**